



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Apotheca Spiritualem Pharmacorum Contra Litem Contagiosam Aliosque Morbos**

**Wichmans, Augustin**

**Antverpiae, 1626**

Cap. XV. De Sancto Rocho.

**urn:nbn:de:hbz:466:1-9653**

## CAPVT XV.

*De Sancto Rocho.*

**C**eleberrima iam à multis sæculis per totam Ecclesiã memoria sancti Rochi in veneratione est: nec immeritò; inter primarios enim contra luem contagiosam Tutelares si quis alius, hic ponendus est, ob causas quæ iam mihi in calamo. Natus est in oppido Narbonensi montis Pessulani, parentibus illustribus eiusdem oppidi dominis; neque vulgari ceterorum more, sed miraculo in lucem prodijt, vt hoc ipso magnum quid & insolitum de se prælagire videretur: rubra namque cruce insignitus ex utero matris natus est, quatenus iam ab eius ortu homines intelligerent singularem hunc foetum futurum, & exclamare iure possêt: Quis putas puer iste erit? Duodecimo ætatis suæ anno parentibus orbatus, patriã & amicis relictis, opibus amplissimis in pauperes distributis, breui & abiectâ indutus veste cum pileo & pera, vt pingitur, peregrini instar è Gallia Romam versus abijt. Aquampendentem ingressus ciuitatem Nosodochij magistro se adiunxit, vbi cunctos pestilenti contagione ad mortem vsque infectos, signo Crucis integra & perfecta sanitate donauit. quod & in alijs Italiæ locis præstitit. Tandem post varios itinerum labores & corporis morbidas afflictiones in Galliam bellorum incendio tunc flagrantem delatus, in paterino castro ceu hostilis explorator in vincula conijcitur ad quinquennium vsque proprio patruo eius domino incognitus, carceris squallores & incommoda animo semper tranquillo patientissimè sustinens; vnde etiam pro obtinenda patientia solet inuocari. Hoc in loco cum mortem iam adesse sentiret & horam de statione huius vitæ ab-  
eund

eundi aduentasse, sacris Ecclesiæ munitus Sacramentis  
antequam è vita excederet supplicibus admodum preci-  
bus à Domino contendit (audi hæretice, & da honorem  
Deo & Sanctis eius) vt quicumque patrociniū eius cum  
fide postularer, à pestilenti contagione immunis permane-  
ret. Nec surdo aut in cassum fuis præces. vitâ namque  
defuncto ad latus eius tabella reperta est hæc verbis in-  
scripta: Peste laborantes ad Rochi patrociniū confugien-  
tes contagionem illam atrocissimam euasuros significo.  
Ergo ô Christiani,

*Peste laborantes suffragia poscite Rochi;  
Spondeo, pro votis accipietis opem.*

Certè receperunt eam post mortem eius quàm plurimi  
in hoc vitæ anxio discrimine constituti; vnde vbique tot ei  
facella, tot altaria, tot imagines & Christianæ pietatis mo-  
numenta sunt erecta in beneficiorum acceptorum eucha-  
risticam memoriam & accipiendorum inuitatoriam sup-  
plicationē. Pingitur cum cane ad latus & nudato ac vul-  
nerato altero femore, quia Galliam repetiturus & in via  
nouâ infirmitate correptus cum iam antè coxam sinistra  
sagitta esset transfixus, in eremi solitudine sub arbore se  
proiecit, hominibus quidem ignotus, sed nobilis cuius-  
dam cani Deo id agente & irrationabile animal dirigente  
probè adeò cognitus, vt is panem de domini sui mensa  
quotidie ei adferret, non secus atque Eliæ Prophetæ &  
Paulo primo Eremitæ in solitudine deserta existentibus  
& ab omni humano obsequio derelictis, quotidiano mini-  
sterio corui alimenta deterebant. Corpus eius anno  
1485. à quibusdam è Dedonensi diocesi furtim subla-  
tum ac Venetias translatum, maximâ festiuitate à  
Senatu

Senatu Veneto cum totius populi ingenti gaudio acceptum fuit.

De hoc Sancto ita lusit sacro poemate Iulius Cæsar Scalliger, more suo durè satis.

*Grata Deo mens, non ullo subnixâ tumultu:*

*Lenior æstivæ quàm piger humor aquæ.*

*Temperies & pacati clementia cæli*

*Dicitur à Domino totum opus esse tuum.*

*Pelle luem, sed solue metum: ne prodiga vitæ*

*Corpora Cerbereo funere victa cadant.*

*Quemq; diem vexit latis aurora quadrigis,*

*Hunc latis reuehat Lucifer almus equis.*

*Hora salutiferamq; salutifera occupet horam:*

*Annus & exclusa morte perennis eat.*

*Magna quidem: Sed tu maior mitissime diuûm,*

*Et tibi qui dedit hæc, maximus esse solet.*

Festum eius ponitur in Rom. Martyrologio ad 16. Augusti, vbi hæc Baron. in notis: Huius res gestæ scriptæ sunt à Francisco Diedo qui scribit eum obiisse diè anno Domini 1327. anno autè 1414. innotuisse Patribus Concilij Constantiensis, quorum decreto ad propulsandam ingruentem luem eidem honores sanctis debiti, sunt impensu: nam & solemni pompa eius imaginem omni comitante populo per urbem detulerunt. quo facto illa pestis mox euauit. inde verò exemplum sumptum est vt vbique locorum eius venerandæ imagines, altaria, sacella, ac denique templa erecta fuerint. ita Baron.

CAP.